

# All in for Kids

## Lub Khoos Kas Birth to 3 (Tus Me Nyuam Yug Kiag txog 3 Xyoos) Tsev Neeg Tsab Ntawv Xov Xwm

All in for Kids (Tag Nrho Rau Me Nyuam) yog ib tsab ntawv xov xwm sau los faj seeb qhia rau koj thiab koj tsev neeg txog cov kev pab uas muaj nyob rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos). Tsab ntawv xov xwm yog sau tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv).



## Lub Khoos Kas Cov Kev Pab Cuam Birth to 3 (Tus Me Nyuam Yug Kiag txog 3 Xyoos)

### (Birth to 3 Program Services)

Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib lub khoos kas kev kawm tshwj xeeb txog kev cuam tshuam thaum ntxov. Nws yuav pab cov me nyuam yaus hnuv nyoog qis dua 3 xyoos uas muaj kev loj hlob los sis xiam oob qhab. Qhov khoos kas no pab cov me nyuam kawm paub, kev sib cuam tshuam, thiab vam meej hauv tsev, hauv qhov chaw zov me nyuam, thiab hauv zej zog. Cov tsev neeg tau tso npe rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos) tuaj yeem tau txais ntau yam kev pab cuam. Cov kev pab cuam uas tsev neeg tau txais yog nyob ntawm cov kev xav tau uas pab pawg tau txheeb xyuas ntawm Individualized Family Service Plan (Txoj Phiaj Xwm Pab Cuam Tsev Neeg Ib Tug Zuj Zus) (IFSP). Piv txwv ntawm cov

H

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

kev pab cuam uas tej zaum tsev neeg yuav tau txais yog kev kawm tshwj xeeb, kho lub cev, kho kev ua hauj lwm, kev kho fab kev hais lus thiab hom lus, thiab kev siv thev naus laus zis pab. Txhua tsev neeg tau txais kev pab cuam kev sib koom tes yam tsis tau them nqi. Peb yuav qhia meej txog kev sib koom tes ua hauj lwm pab cuam hauv tsab ntawv xov xwm no.

### **Kev Pab Cuam Kev Koom Tes Ua Hauj Lwm**

Txhua tsev neeg hauv Lub Khoos Kas Birth to 3 (Tus Me Nyuam Yug Kiang txog 3 Xyoos) yog muab tus neeg khiav hauj lwm saib xyuas kev pab cuam. Tus neeg khiav hauj lwm saib xyuas kev pab cuam ua hauj lwm nrog kev koom tes nrog cov tsev neeg, pab lawv nrhiav kev txhawb nqa thiab kev pab cuam raws li lawv xav tau. Lawv ntsib nrog cov tsev neeg hauv tsev los sis lwm qhov chaw uas yuav yooj yim los sis yooj yim rau tsev neeg. Lawv ua kev sib paub nrog cov tsev neeg los ntawm kev nug thiab tau hnov txog qhov tseem ceeb rau lawv thiab lawv tus me nyuam. Kev ntseeg kev sib raug zoo ntawm tus neeg khiav hauj lwm saib xyuas kev pab cuam thiab tsev neeg uas lawv pab yog qhov tseem ceeb. Lawv muab cov ntaub ntawv hais txog pab neeg thiab pab teb cov lus nug uas tsev neeg yuav muaj.

Thaum koj ntsib nrog tus neeg khiav hauj lwm saib xyuas kev pab cuam rau koj tsev neeg, ua siab ncaj thiab qhib siab txog qhov ua tau zoo thiab kev xav tau ntawm koj tus me nyuam thiab tsev neeg. Qhia rau lawv txog koj tus me nyuam qhov kev nyiam thiab tsis nyiam. Tham nrog lawv txog koj cov kab lis kev cai, koj yog kab lis kev cai, thiab lwm yam uas tseem ceeb rau koj tsev neeg.

Cov neeg khiav hauj lwm saib xyuas kev pab cuam pab cov tsev neeg:

- Teem caij tshuaj ntsuam, rooj sib tham, thiab kev ntsuam xyuas.
- Nkag siab txog lub khoos kas thiab yuav muab cov kev pab cuam li cas.
- Khiav hauj lwm nrog cov muab kev pab cuam kho mob, kev noj qab haus huv, thiab hauv zej zog.
- Txuas nrog lub cheeb tsam tsev kawm ntawv.
- Tau txais cov kev pab cuam uas teev nyob rau hauv koj lub IFSP.
- Ntsuas seb cov kev txhawb nqa thiab kev pab cuam puas ua hauj lwm thiab pab ua kom tau raws li koj tus me nyuam cov hom phiaj.
- Nrhiav cov lus teb rau cov lus nug.
- Tau txais cov ntaub ntawv qhia paub thiab cov peev txheej muab kev pab.

Tus neeg khiav hauj lwm saib xyuas kev pab cuam pab kom koj nkag siab txog lub khoos kas thiab muaj koom tes nrog tam li tus tswv cuab ntawm pab pawg. Hu rau koj tus neeg khiav hauj lwm saib xyuas kev pab cuam kom paub ntau ntxiv txog kev leg hauj lwm ntawm kev pab cuam thiab lawv yuav pab tau li cas. ❖

# **RAU KOJ COV NTAUB NTAWV QHIA PAUB**

### **IFSP YOG DAB TSI?**

Koj pawg hauv Lub Khoos Kas Birth to 3 (Tus Me Nyuam Yug Kiang txog 3 Xyoos), uas suav nrog koj tsev neeg nrog rau thiab, ua hauj lwm ua ke los tsim koj Individualized Family Service Plan (Txoj Phiaj Xwm Pab Cuam Tsev Neeg Ib Tug Zuj Zus) (IFSP). IFSP yog ib txoj kev npaj uas muab sau ua ntaub ntawv qhia txog cov kev nqis tes ua los txhawb koj tus me nyuam txoj kev loj hlob. Txoj kev npaj no yog tsim tshwj xeeb los rau koj tus me nyuam thiab tsev neeg txhawm rau los pab ua kom tau raws li koj lub hom phiaj tshwj xeeb.

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

## Early Intervention (Kev Cuam Tshuam Thaum Ntxov) Pab Neeg Ua Hauj Lwm Ua Ke Rau Koj Tus Me Nyuam Txoj Kev Vam Meej

Early intervention (kev cuam tshuam thaum ntxov) (EI) pab neeg no ua lub luag hauj lwm tseem ceeb hauv kev pab koj tsev neeg txiav txim siab seb cov kev pab cuam twg yuav pab tau tus me nyuam hauv koj qhov kev saib xyuas, yuav ua li cas xa cov kev pab cuam, thiab cov kws kho mob twg tuaj yeem ua tau raws li koj tus me nyuam cov kev xav tau. “Early intervention (Kev cuam tshuam thaum ntxov)” yog lo lus siv rau kev txhawb nqa thiab kev pab cuam uas cov me nyuam mos, me nyuam yaus, thiab tsev neeg tuaj yeem tau txais los ntawm Lub Khoos Kas Birth to 3 (Tus Me Nyuam Yug Kiag txog 3 Xyoos). Koj thiab koj tsev neeg yog cov tswv cuab tseem ceeb ntawm pab pawg no, nrog rau lwm tus kws ua hauj lwm tshaj lij.

Koj pab pawg EI yuav suav nrog ntau tus kws ua hauj lwm tshaj lij uas nyob ntawd los pab koj thiab koj tus me nyuam. Koj pab pawg EI yuav suav nrog tus neeg khiav saib xyuas kev pab cuam nrog rau cov kws muab kev pab cuam ib txwm uas muaj kev tshaj lij xws li tus kws kho mob los sis tus kws kho fab kev hais lus. Pab neeg no yuav txiav txim siab seb leej twg haum tshaj los ua koj tus me nyuam tus kws muab kev pab cuam ib txwm. Pab pawg EI tseem suav nrog lwm tus kws ua hauj lwm tshaj lij uas yuav ua hauj lwm nrog koj tus me nyuam thiab tsev neeg.

Qee qhov txiaj ntsig uas muaj pab pawg EI suav nrog:

- Qhia koj tsev neeg cov lus nug nrog pab pawg kws ua hauj lwm tshaj lij los pab koj kom tau txais cov ntaub ntawv zoo tshaj plaws.
- Kawm los ntawm ib leeg rau ib leeg thiab sib tham txog kev daws teeb meem ua ke.
- Muaj ntau kws muab kev pab cuam uas muab kev txhawb nqa tsev neeg thiab kev pab cuam.
- Ua kom txhua tus neeg nkag siab zoo tib yam nrog IFSP.
- Zam tsis pub muaj cov kev pab cuam sib tshooj.
- Qhia cov hom phiaj kom mee rau cov tswv cuab hauv pawg mus ntsib tom tsev.

### Pab neeg sib txuas lus li cas?

Pab neeg no yuav los sib ntsib yam tsawg kawg ib hlis ib zaug ntawm kev teem caij li ib txwm. Raws li koj qhov kev xav tau, cov rooj sib tham tuaj yeem teeb tsa tau yam tim ntsej tim muag los sis saum huab cua, xws li hu xov tooj los sis vis dis daus. Cov ntawv sib tham hauv pab pawg yuav raug muab soj qab xyuas txhawm rau koj los txhim kho koj tus me nyuam txoj kev loj hlob thiab kom paub tseeb tias cov kev txhawb nqa hauv koj tsev neeg IFSP pab tau koj tus me nyuam thiab tsev neeg. Tus kws muab kev pab cuam ib txwm thiab tus neeg khiav hauj lwm saib xyuas kev pab cuam tuaj yeem nqa cov lus nug rau pab pawg thiab teb cov lus nug txog pab pawg txhawb nqa tsev neeg tau. ❖

## KOJ PUAS PAUB?

Cov neeg ua hauj lwm saib xyuas kev pab cuam thiab cov kws muab kev pab cuam ib txwm yog cov tswv cuab tseem ceeb hauv pab pawg pab cuam koj tsev neeg. Koj tuaj yeem ncau cuag koj kws muab kev pab cuam ib txwm tau txhua lub sijhawm txhawm rau nug cov lus nug, nrhiav kev pab cuam, thiab tham txog cov kev pab cuam IFSP hauv koj tsev neeg.

---

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.

## Tsev Neeg Qhov Zoo: Ntsib Nrog Jack!

Jack tau tso npe rau hauv Lub Khoos Kas Birth to 3 (Tus Me Nyuam Yug Kiag txog 3 Xyoos) thaum muaj hnuv nyoog 3 hlis lawm. Jack nyiam ua hauj lwm nrog nws tus kws kho mob lub cev. Jack ci ntsa iab thaum nws los ntawm lub qhov rooj. Muaj kev kho lub cev hauv tsev neeg hauv tsev tau ua rau muaj qhov sib txawv loj rau Jack vim nws muaj kev yooj yim dua nyob rau hauv nws lub tsev ib puag ncig thiab tau ua kom muaj kev vam meej. Jack muaj cov muam thiab kwv tij txheeb ze, thiab nws nyiam qhia nws tsev neeg cov txuj ci tshiab nws tau kawm nrog tom qab kev kho lub cev tag. Jack leej niam, Brooke, qhia tias Lub Khoos Kas Birth to 3 (Tus Me Nyuam Yug Kiag txog 3 Xyoos) pab neeg no muaj feem tseem ceeb hauv kev txhawb nqa Jack thiab pab kom nws ua Jack zoo tshaj plaws!❖

## Lub Khoos Kas Birth to 3 (Tus Me Nyuam Yug Kiag txog 3 Xyoos) Xav Tau Koj Lub Tsev Neeg Cov Dab Neeg thiab Duab!

All in for Kids (Tag Nrho Rau Me Nyuam) tsab ntawv xov xwm yog rau tsev neeg. Peb xav nthuav qhia txog koj cov duab thiab cov kev ntsib nrog dhau los rau lwm tus neeg tau nyeem kom muaj kev lom zem nrog! Koj tuaj yeem faib lwm yam xws li:

- Muaj kev cuam tshuam zoo nrog Lub Khoos Kas Birth to 3 (Tus Me Nyuam Yug Kiag txog 3 Xyoos).
- Ib qho piv txawv txog txoj hauv kev uas Lub Khoos Kas Birth to 3 (Tus Me Nyuam Yug Kiag txog 3 Xyoos) tau pab koj tsev neeg los sis tus me nyuam.
- Ib daim duab los sis ib zaj dab neeg txog ib qho kev uas koj tau ua nrog koj tus me nyuam.
- Ib daim duab ntawm ib yam zoo nkauj los sis lwm yam uas koj tus me nyuam tau ua.

Xa koj zaj dab neeg ntawm koj lub tsev neeg los sis daim duab hauv email mus rau [dhsbirthto3@dhs.wisconsin.gov](mailto:dhsbirthto3@dhs.wisconsin.gov) nrog "All in for Kids (Tag Nrho Rau Me Nyuam)" rau ntawm kab teev lus qhia. Koj puav leej xa tau cov tswv yim dab neeg uas koj xav pom sau rau hauv daim ntawv xov xwm. Peb npaj siab xav hnov ntawm koj!❖

## Cov Kev Pab Zoo Rau Cov Tsev Neeg

### Cov Zuam hauv Wisconsin

Cov zuam muaj nyob rau ntau thaj chaw thoob plaws Wisconsin hauv lub caij nplooj ntoos hlav, lub caij ntuj sov, thiab lub caij nplooj zeeg thaum ntxov. Lawv tuaj yeem kis kab mob mus rau tib neeg thiab cov tsiaj los ntawm kev tom. Nco ntsoov tias thaum cov neeg hauv tsev neeg, suav nrog cov tsiaj tu, mus nyob rau sab nraud zoov, koj yuav tsum:

- Ua kev tshawb xyuas cov zuam hauv txhua hnuv.
- Da dej los sis ntxuav tsis pub dhau ob teev sij hawm tom qab tawm mus sab nraum zoov los.



---

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.



- Siv tshuaj tua kab.
- Cov neeg hauv tsev neeg yuav tsum tau hnav lub tsho tes ntev thiab lub ris ntev txhawm rau kom tiv thaiv cov zuam.

Lwm cov lus qhia kev tiv thaiv cov zuam tom tuaj yeem nrhiav tau ntawm [www.dhs.wisconsin.gov/tick/bite-prevention.htm](http://www.dhs.wisconsin.gov/tick/bite-prevention.htm).

## Kawm Paub Ntau Ntxiv Txog Lub Khoos Kas Birth to 3 (Tus Me Nyuam Yug Kiag txog 3 Xyoos)

Phau ntawv qhia txog 1,000 Hnub ua ntej muab cov ntsiab lus qhia ntxaws txog lub khoos kas:

[www.dhs.wisconsin.gov/library/p-02928.htm](http://www.dhs.wisconsin.gov/library/p-02928.htm)

Cov Kev Pab Cuam Rau Lub Khoos Kas Birth to 3 (Tus Me Nyuam Yug Kiag txog 3 Xyoos) ntawm phau ntawv qhia Lub Ntsiab Luv-Luv piav qhia txog kev txhawb nqa thiab kev pab cuam uas muaj:

[www.dhs.wisconsin.gov/library/p-03011.htm](http://www.dhs.wisconsin.gov/library/p-03011.htm)

Cov Kev Pab Cuam Kev Cuam Tshuam Thaum Ntxov rau Cov Me Nyuam Yaus thiab Cov Me Nyuam Nrog Kev Loj Hlob Qeeb thiab Kev Xiam Oob Qhab hauv Wisconsin phau ntawv pab koj nkag siab tias kev cuam tshuam thaum ntxov li cas pab kom koj tsev neeg thiab tus me nyuam tau kawm paub thiab loj hlob ua ke:

[www.dhs.wisconsin.gov/library/p-03022.htm](http://www.dhs.wisconsin.gov/library/p-03022.htm)

## KOOM NROG PEB COV EMAIL TEEV TSEG

Rau kev xa kom txog sai dua qub, sau npe nkag txhawm rau kom tau txais cov ntawv hauv tshuab hluav taws xob ntawm tsab ntawv xov xwm no thiab lwm yam email txog Lub Khoos Kas Birth to 3 (Tus Me Nyuam Yug Kiag txog 3 Xyoos). Mus rau ntawm [www.dhs.wisconsin.gov/aboutdhs/alerts.htm](http://www.dhs.wisconsin.gov/aboutdhs/alerts.htm) thiab swb qis thiab nias rau qhov [Lub Khoos Kas Birth to 3 \(Tus Me Nyuam Yug Kiag txog 3 Xyoos\) Cov Ntaub Ntawv rau Tsev Neeg](http://www.dhs.wisconsin.gov/aboutdhs/alerts.htm). Tsis txhob hnov qab qhia rau koj tsev neeg thiab cov phooj ywg hauv lub khoos kas kom sau npe nkag nrog thiab!

Cov ncauj lus hauv tsab ntawv xov xwm yog tshaj tawm raws U.S. Department of Education (Teb Chaws Asmeskas Tuam Tsev Tswj Kev Qhia Ntawv), Individuals with Disabilities Education Act (Cov Tib Neeg Muaj Cov Kev Tsis Taus) (IDEA), Ntu C Cov Kev Tswj Ceev Txoj Kev Cuam Tshuam Ntxov rau Cov Me Nyuam Mos thiab Me Nyuam Me Muaj Cov Kev Tsis Taus.



All in for Kids (Tag Nrho Rau Me Nyuam) yog ib tsab ntawv xov xwm tau tshaj tawm los ntawm Wisconsin Department of Health Services (Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv) cov me nyuam thiab cov tsev neeg nyob rau hauv Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos).

Wisconsin Lub Khoos Kas Birth to 3 (Tus Me Nyuam Yug Kiag txog 3 Xyoos) yog ib txoj kev pab cuam tshuam ntxov rau cov me nyuam tsis nto hnub nyoog 3 xyoos uas muaj cov kev cob pob thiab cov kev tsev taus thiab lawv cov tsev neeg. Txoj kev pab sib koom tes nrog cov tsev neeg los pab tus me nyuam txoj kev loj hlob thiab txhawb rau lub tsev neeg cov kev peev xwm, kev txuj ci thiab kev rab peev xwm thaum lawv ua ub no nrog thiab tu tus me nyuam. Xav paub ntxiv, mus xyuas [www.dhs.wisconsin.gov/children/index.htm](http://www.dhs.wisconsin.gov/children/index.htm).

Para leer este boletín en español, visite [www.dhs.wisconsin.gov/library/collection/AKids23](http://www.dhs.wisconsin.gov/library/collection/AKids23).

Xav nyeem tsab ntawv xov xwm no ua Lus Hmoob, mus xyuas [www.dhs.wisconsin.gov/library/collection/AKids23](http://www.dhs.wisconsin.gov/library/collection/AKids23).

For other languages (繁體中文, 简体中文, Deutsch, العربية, русский, 한국어, Tiếng Việt, Deutsch, မာသာဝာဝ, Français, Polski, हिंदी, Shqip, Tagalog, Soomaali): 608-266-8560.